

QVÆSTIO

DE

AGENTIVM SECVNDORVM
INCAVSANDO A PRIMO
DEPENDENTIA.

Permiffu

Magnifici & Admodum Rñdi Dñi,

D. IACOBI VITELLII

S. Th. Sententiarii, S. Floriani Canonici, Col-

legii Vladislauiani Prouisor: Almæ Vni-

uerſitatis Cracouiē: Generalis,

RECTORIS.

A

M. FLORIANO LEPIECKI,

*Contubernij Sifiniani Seniore, publicè ad diſpu-
tandum in Alma Acad: Cracouiēſi*

PROPOSITA.

Anno Domini 1644. ^{lanuar} Menſe Octob: die 2^a horâ 12.

n.

11 5 3

7

In Hieroglyphicon Virtutis SZEMBECIANÆ.



Gnosia cūm Vestra quondam de laude capellæ
Certabat: sub quo Iudice? Confus erat.
Gnosia; Diues ego cornu, sum pasta corymbis;
Vestra; Duplo cornu diues, alorūque rosā.
Æra meum, Gnosis, resonant Corybantia pupum.
Hæc; Quos sacre Ioues nutrio, Fama canit.
Cessisti in cunctis, huic ô Dictæa capellæ
Confus ait, Iubeo, Victa recede polo.
Vel si displiceat grauis hæc sententiæ mentî,
Pro cælo cælum Stemmatis huius habe.



MAGNIFICO DOMINO,
D. ALEXANDRO
SZEMBEEK

S. R. M. SECRETARIO,

Prouentuum Regni

ADMINISTRATORI,

Domino & Patrono Fauentissimo.



*Enturiatam eorum libens exoluo legem, Magnifice Domine, qui ubi o-
peroso aliquid prompserint ingenij
fecundioris apparatu, non otiosi sui
otij euentum à patrocínio Mecæ-
natum augurantur. Noui quippe,
mutam etiam chartam induere fa-
cundiam, & Stylum Benefactorum
animatum humanitate efficacius perorare. Scio & tales
istam sibi sponte partem laborum iniungere, & ne con-
trahant dedecoris veterum, huiuscemodi sæpè opere in-
sidiantis ingrati tudinis tersisse rubiginem. Libet his
subscribere, & meas Noctes Soli patrocini Tui expone-*

*hic
desinde
Palat.
Aradicey*

M

M

Stylus

re, ut ista quæ Philosophico calamo adumbrata sunt the-
oremata, Tuo felicius illustrentur conspectu. Libet
reditam postliminio officiorum promptitudinem expe-
riri, & in beneuolentiæ sapientiæq; Tuæ compendio,
sortem Thesum mearum concludere vniuersam. Nam
dum concitatum oculorum mentis in Te liberalius inten-
do obtutum, extemplo prodigi in meam conspirantis cli-
entelam animi, & insignis munificentia Tuæ, in spe-
culo frontis viam intueor imaginem. In quo patrocini-
atur mihi vultus ille, qui inter oculos spectantium ama-
bilius radians, scribit in vultu omnium humanitate
suâ hilaritatem. Vbi non angustam generosæ mentis
indolem aspicio, quæ tantæ hospitæ capax, constans fi-
xit illi in Te domicilium. Dextram verò in agendis
consilium Tuum & Tuorum quid admirer? Hoc in Te
progenitum & hæreditarium recognosco cum nunquam
in Vestro sanguine & sudore Prudentia nouercatur.
Video Te grauioribus negotijs continuò agitari, sed citâ
consiliorum maturitate victoriæ semper subscribere. Et
si Fortuna Tuæ ex aliquo, tum vel isto nomine succen-
seri potest, quod Te, quem tantis muneribus distinaue-
rat, nunquam indulgenter habuit. Cecidisset audax
sub hac curarum mole Ambitus, sit tantam periculorum
aleam delibasset, quantam Tu, sustinuisti. Curis enu-
tritus animus Tuus etiam sub onere erigitur; cui ma-
gnum

Stylus aureus.

gnum de Republ: benè merendi contigit tbeatrum, dum
Prouentui Regni impensius curarū impendis tributum
& impendia. Ubi illos tot pullulantium solitudinum
nodos, quos Sparta hæc, & prouincia publica nec̃tere di-
didit, Tu soluere docuisti. Tibi enim Tua dulcior fa-
tigatio, & operosi labores suaues extiterunt, modò boni
communis incrementa assurgerent. Atque hæc Tua,
quam vicariam Reipubl: consecrasti, sedulitas, SE-
RENISSIMÆ MAIESTATIS & Procerum animos
ita in delicias vsque rapuit, vt intelligas, sudoribus
Tuis, etiam Principes accessione fauoris sui suffragari.
Coniuratus isse virtuti Tuae Magnatum amor, tantam
nostris repræsentat scenam oculis, vt fateamur, peren-
natum venisse ad feruorem Tuum Primatum fauorem.
Et rectè. Habet enim hoc gloriæ veluti miraculum,
studium Reipubl: impensum, vt in sui amore obsequen-
tes defigat animos, & suauis quodam dulcedinis arcano,
trabeatas mentes alliciat. Huius Tu tantæ possessor
felicitatis, bilarem prodromo præcurrente vultu excipe
lætitiā, & maturorum fructuum in fortunata & ho-
nora collectorum messe prebende prærogatiuam, vberes-
que de curis Tuis vsque ad voluptatem largiis conge-
re diuitias Gratiarum. Mea verò citato & breui
verborum cursu perstricta atque fauori mancipato Tuo
dogmata, eā, sine animi frontisque dissidio, mente susci-
pies,


pies, quâ solam dispensare nosti humanitatem. Res
non tam ingenij (quod imbecillum) quàm affectus ar-
tificio concinnata est, quæ felicitatem suam à Tuo æ-
stimans patrocínio, maius opellæ huic ponit pretium,
dum Te illum tutorem, immò hæredem ex asse scribit &
amplectitur. Sume itaque ancillantem hunc grati ob-
sequij liberali dexterâ censum, genium meum ad am-
pliori Tibi officiorum colligenda animaturus argumenta.

Amicis

Magnificæ Dominationis Tuæ

deditissimus

M. FLORIANVS LEPIECKI



Vtrum Agentia Secunda, præter concursum
Primi Agentis simultaneum, ad operatio-
nem in cuiuslibet sui effectus non immediatè
Virtualiter tantùm, sed etiam immediatè Sup-
posititaliter à Primo Agēte attingibilis producti-
one necessarium: alio concursu præuio, in se,
Phyficam ad indiuiduum actum prædetermina-
tionem, iuxta suæ tamen naturæ exigentiam, ita
vt cùm naturalibus concurrat necessario, cum
liberis liberè, influente indigeant: necne?

Præter ipsam dependentiam causarum secundarum

rum in essendo à causa suprema, causæ secundæ indigent concursu per modum actionis simultaneo causæ primæ in ordine ad omnes suos effectus.

C O R O L L A R I A.

I. Non solùm datur prima causa efficiens, à qua effectus causarum secundarum tanquam à primo fonte originem trahunt, sed præter illam dantur quoq; causæ secundæ illi subordinatæ, à quibus iidem effectus deriuantur.

II. Agentia particularia verè agunt suos effectus, non tantùm agens vniuersale ad præsentiam illorum eos producit.

III. Mouens infinitum præter naturam & esse, etiam virtutes quasdam & facultates dedit finitis mouentibus, illasq; in esse conseruat.

IV. Causa prima & secunda ad vnum eundemq; effectum ita totaliter in suo tamen genere & ordine concurrit, vt nulla partialitas in concursu diuino, vel ex parte effectus, vel causæ seu actionis sit ponenda.

V. Concursus simul influens identificatur,
cum

cum actione creata, sed non adæquatur illi.

CONCLUSIO II.

Causa prima non immediatione tantum virtutis, sed etiam suppositi, ad quemlibet causarum secundarum effectum concurrat.

COROLLARIA.

I. Ente, præsentem, potentem, Deus est in omnibus rebus.

II. Intimam causæ primæ rebus omnibus in-existentem præsentiam, concursus etiam immediatione suppositi declarat evidentiùs.

III. Virtutis & suppositi immediatio per hoc discriminatur: quod ordo virtutis sit ordo ascensus, ordo verò suppositi sit ordo descensus.

IV. Porro agens increatum proximè & immediatè ad omnem actionem causarum secundarum concurrere, certum est, in sana, & Catholica Philosophia.

V. Absurdum verò est, Deum, in hoc concursu, quo cum causa consorte operatur, dependere à creatura.

B

Con-

CONCLUSIO III.

Causæ secundæ antecederent ad influxum & actionem, quâ producunt effectus, opus habent aliquâ præviâ motione per modum Principij Causæ primæ, quâ applicantur ad agendum.

COROLLARIA.

I. Causa secunda non est primum principium per se mouens ac se determinans ad actualiter operandum.

II. Nec per suam actionem determinatur causa particularis ad operandum applicatiue & effectiue, sed formaliter iam constituitur in actu secundo operans.

III. Etiam concursus concomitans, per hoc, quatenus superior & dignior sit concursu causæ inferioris, non potest causam secundam determinare & præmouere ad agendum.

IV. Non sufficit, res creatas habere virtutem ratione propriæ formæ per modum habitus ad suos effectus producendos, nisi vltimum complementum & actualitatem eius virtutis accipiant ab

ant ab antecedenti causæ primæ motione.

V. Quamuis causæ secundæ præmouentur à causa prima, nil tamen prohibet, easdem esse causas principales.

C O N C L U S I O IV.

Auxilium præuium efficaciter mouens & prædeterminatio Physica Causæ Primæ fit iuxta exigentiam naturæ causarum secundarum, indifferentiâ potentialitatis illarum sublatâ, virtutis seu modi conseruatâ.

C O R O L L A R I A.

I. Influxus præmouens relinquit Phyticum aliquid in causa, quam mouet, & non solùm est assistentia extrinseca, vel moralis motio, aut Sympathia. *Physica motio*

II. Et quamuis antecedentem concursum, qualitatem non per modum virtutis in actu primo, sed per modum fluxus & transeuntis esse, tueri possemus; motionē tamen quandam esse, dantem non actiuitatem, sed actiuitatis applicationem ad effectum, asserimus.

III. Vnde effectus formalis quem præbet
præmo-

præmotio diuina est; reddere causam applica-
tam & determinatam ad operandum, nil immu-
tando de modo, quo causa secunda nata est ope-
rari.

IV. Non est ambigendum, cum efficaci di-
uina præmotione infallibiliter voluntatem hu-
manam determinante, stare libertatem eiusdem
voluntatis humanæ.

V. Actus peccaminosus, licet in eo, quod
habet positium & entitatum dependeat &
participetur à Deo, tamen quantum ad id, quod
habet de deficientia & deformitate non est
à Deo, vel præoperante vel cooperante.

Ad Maiorem Dei Gloriam.

